



Broj: 06-14-3479-5/16
Sarajevo, 16.03.2016. godine

Na osnovu člana 64. stav 1. tačka (b), člana 70. st. 1. 3. i 6. Zakona o javnim nabavkama („Službeni glasnik BiH“, broj 39/14), člana 1. stav 1. tačka (a) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama („Službeni glasnik BiH“, broj 21/15), člana 8. tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine na preporuku Komisije za javne nabavke broj: 06-14-3479-3/16 od 14.03.2016. godine, u postupku javne nabavke za pružanje usluga klimatskog liječenja (rehabilitacije) za pripadnike boračke populacije Kantona Sarajevo za 2016. godinu, nabavka broj 06-14-3479/16 od 08.02.2016. godine, obavještenje o nabavci objavljeno na Portalu javnih nabavki 10.04.2015. godine pod brojem: 920-1-2-3-3-2/16 od 08.02.2016. godine i u Službenom glasniku broj 9/16 od 12.02.2016. godine, Ministar za boračka pitanja Kantona Sarajevo je donio

ODLUKU

o izboru najpovoljnijeg ponuđača

Član 1.

Prihvata se preporuka Komisije za javne nabavke, broj: 06-14-3479-3/16 od 14.03.2016. godine i ugovor za javnu nabavku pružanje usluga klimatskog liječenja (rehabilitacije) za pripadnike boračke populacije Kantona Sarajevo za 2016. godinu dodjeljuje se ponuđaču **„Bossina“ d.o.o. Zaostrog, Republika Hrvatska**, ponuda broj: 06-14-7291/16, od 04.03.2016. godine, za ponudenu cijenu od 286,23 KM bez PDV-a, odnosno 329,00 KM sa PDV-om za sedmodnevni boravak po korisniku.

Član 2.

Prijedlog ugovora o nabavci dostavit će se na potpis izabranom ponuđaču „Bossina“ d.o.o. Zaostrog, Republika Hrvatska po protoku roka od 15 dana, računajući od dana od kada je ponuđač obaviješten o izboru najpovoljnije ponude, a u skladu sa članom 72. stav 1. Zakona o javnim nabavkama.

Član 3.

Za izvršenje ove Odluke zadužuje se i ovlašćuje Sektor za BiZ u saradnji sa Sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo: www.mbp@ks.gov.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.





Član 5.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 06-14-3479/16 od 08.02.2016. godine. Javna nabavka je provedena otvorenim postupkom.

Procijenjena vrijednost javne nabavke bez PDV-a je 128.000,00 KM.

Obavještenje o nabavci broj: 920-1-2-3-3-2/16 upućeno je na objaavu dana 08.02.2016. godine, a objavljeno je na Portalu javnih nabavki, sažetak obavještenja o nabavci objavljen je u „Službenom glasniku BiH“, broj 9/16 od 12.02.2016. godine.

Komisija za javne nabavke imenovana je Rješenjem broj: 06-05-2478/16 od 27.01.2016. godine. Komisija za javne nabavke dostavila je zapisnik o ocjeni ponuda broj: 06-14-3479-2/16, izvještaj o radu broj: 06-14-3479-4/16, i Preporuku o izboru najpovoljnijeg ponuđača broj: 06-14-3479-3/16 dana 14.03.2016. godine, u postupku javne nabavke **pružanje usluga klimatskog liječenja (rehabilitacije) za pripadnike boračke populacije Kantona Sarajevo za 2016. godinu.**

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1;
- ukupan broj blagovremenih ponuda 1.

Dana 09.03.2016. godine u 11.30 sati izvršeno je javno otvaranje ponuda na kome je prisustvovao predstavnik ponuđača Bossina d.o.o. Zaostrog - Dragan Vujmilović, koji nije imao pri jedbi na tok otvaranja ponude, a što je konstatovano zapisnikom broj 06-14-3479-1/16 koji je sačinjen u skladu sa članom 63. stav 4. Zakona o javnim nabavkama .

Zapisnik je dana 09.03.2016. godine upućen poštom ponuđaču koji je dostavio ponudu za učešće na tenderu, a kopiju zapisnika preuzeo je i predstavnik ponuđača Dragan Vujmilović.

Nakon otvaranja ponude upućen je zahtjev ponuđaču Bossina d.o.o. Zaostrog Republika Hrvatska za pojašnjenje ponude, a u vezi obračuna PDV-a, a što je bitno zbog ukupne vrijednosti ugovora.

Naime, u ponudi je kao cijena ponude bez PDV-a naveden iznos 286,23 KM, uz PDV u iznosu od 42,77 KM, što ukupno iznosi 329,00 KM.

Matematički je utvrđeno da 42,77 KM ne iznosi 13% od 286,23, odnosno 42,77 KM iznosi 13% ali od ukupne ponuđene cijene sa PDV-om.





Prema našem proračunu, PDV u Republici Hrvatskoj se utvrđuje drugačije nego u Bosni i Hercegovini, tj., radi se o predračunskoj stopi gdje porez obračunat prema neto osnovici iznosi 14,94 KM.

Dana 14.03.2016. godine dostavljeno je pojašnjenje, odnosno potvrda da se u Republici Hrvatskoj PDV koji je na turizam 13% plaća od konačne cijene koja u ovom slučaju iznosi 329,00 KM i prema ovakvom obračunu treba formulirati konačnu vrijednost ugovora.

Dana 14.03.2016. godine Komisija za javne nabavke u 10.30 sati pristupila je pregledanju i ocjeni blagovremeno pristigle ponude o čemu je sačinila zapisnik u skladu sa članom 65. stav 1. Zakona o javnim nabavkama broj 06-14-3479-2/16.

Prilikom ocjene ponude uz dostavljeno pojašnjenje utvrđeno je da je ponuda ponuđača Bossina d.o.o. Zastrog, Republika Hrvatska potpuna sa ponuđenom cijenom od 286,23 KM bez PDV-a, odnosno 329,00 KM sa PDV-om.

Uzimajući u obzir činjenicu da je kriterij za dodjelu ugovora najniža cijena, Komisija je zauzela stav i donijela zaključak da je ponuđač Bossina d.o.o. Zastrog, Republika Hrvatska dostavio najnižu cijenu u ponudi za predmetnu nabavku, te Ministru za boračka pitanja Kantona Sarajevo dostavila Preporuku za donošenje Odluke o izboru i dodjeli ugovora ponuđaču Bossina d.o.o. Zastrog, Republika Hrvatska za predmetnu nabavku.

Iz navedenih razloga, primjenom člana 64. stav 1. tačka (b) Zakona o javnim nabavkama, te člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

- Ponuđaču: Bossina d.o.o. Zastrog, Republika Hrvatska;
- Evidenciji;
- a/a.

